

**Date – 30/08/2025**

**Time - 07:30 -07:40Hrs**

**AKASHVANI AIZAWL**

## **REGIONAL NEWS BULLETIN**

### **HEADLINES (MORNING)**

1. UD&PA Department leh PHE Dept in SIPMIU PROJECT hnuaia hnathawh thenkhatte PHE dept hnenah hlan let.
2. Mizoram Universal health Care System hnuaia inziahluh hun chu naktuk thleng chauh hawn a ni tawh dawn a, tun dinhmunah Chhungkaw 19471 an inziaklut tawh.
3. Prime Minister Narendra Modia chuan India leh Japan ten kum 10 lo awm tur chhunga hmasawna tur ruahmanna roadmap an siam a ti.
4. Prime Minister Narendra Modi chuan Pathianni chawhma dar 11 hian 'Mann Ki Baat' programme a hmang dawn.

<><><>

### **UD&PA**

UD&PA Department leh PHE Dept in **SIPMIU PROJECT** hnuaia hnathawh thenkhatte PHE dept hnenah hlan let a ni a,

PHE Minister Prof. Lalnilawma office chamber ah PHED leh UD&PA hotu te chuan Aizawl khawpui chawmtu tuilakna tur sak hna “Augmentation of water supply and construction of 37 mld Water Treatment Plan, Tlawng (Setlak chhuah)” ami leh Zun leh Ek sawngbawlina “Construction of 10MLD STP (chite)” ami te leh veng hrang hrang atanga Zun leh Ek lak khawmna “Primary and Secondary Sewerage Network” sak zawh tawhte hi PHE kutah an hlan a ni.

<><><>

### **11 YRS OF PMJDY**

Sorkar laipui hmalakna hnuaia pawisa ngai lova Bank account hawn theihna, Pradhan Mantri Jan Dhan Yojana hnuaiah Mizoram Rural Bank chu Mizorama account hawng an tam berna a ni.

Akashvani Aizawl zawhna chhangin, MRB head office, financial inclusion, manager Pu V. Lalrinmawia chuan PMJDY chu India rama mipui zawng zawng, mi harsa zawk te pawhin Bank account an neih theihna tura sorkar laipui hmalakna a ni a ti a, Mizoramah pawh Bank hrang hrangten hma an la tih sawiin, Mizoram pumah PMJDY account nei mi nuai 4, sang 3, 79 an awm a, chung zinga, account nuai 3, sing 1, sang 4, 259 chu Mizoram Rural Bank a mi a ni a ti a, mipa account nuai 1, sing 4, 5691 leh hmeichhe nuai 1, sing 6, sang 8, 568 an ni a, Mizoramah MRB chu

PMJDY account hawng tam berna a ni a ti a, account la siam ve lote chu Sorkar lakpui hmalakna hnuaia Bank account hawn theih tha tak tak te chu ngaihvena hmang tangkai ve turin a sawm a. Hei bakah hian an bank account in kum 10 a tlin hunah an bank account a buai loh nan KYC re-verification nachang hre turin mipuite a chah a ni.

Pradhan Mantri Jan Dhan Yojana hi kum 2014 August ni 28 khan Prime Minister Pu Narendra Modi chuan hawngin, kum 11 chhungin ram pumah account vbc 56 hawn a ni tawh a, heng zinga za zela 56% chu hmeichhiate tana hawn niin, hmun 3-a thena hmun 2 chu khawpui pawn, Rural leh Semi Urban a cheng te tana hawn a ni.

<><><>

MUHCS

MIZORAM UNIVERSAL HEALTH CARE SYSTEM hnuaia inziahlul hun chu naktuk thleng chauh hawn a ni tawh dawn a, tun dinhmunah Chhungkaw 19471 an inziaklut tawh a ni.

Mizoram Health Care Society atanga thudawn danin MUHCS hnuaia Dam lo enkawl tawh zat hi an vaiin Mi 31263 an ni a, MUHCS bill Pawisa pek chhuah tawh zat chu cheng Vbc 42 leh nuai 6 a tling a ni.

Kan corr report lo ngaithla ang.

VC

*MUHCS hnuaiah hian Mizoram pawna Private Hospital damdawiin 25 ah a inenkawl theih a, Deemed Empanelled: 13 a awm a, Mizoram chhunga damdawiin 14 in an zawm tawh a ni.*

*MUHCS hnuaia inziaklut Sorkar hnathawkte te sum thawh zat hi thlatin cheng vbc 1 leh nuai 80 vel anga chhut a ni a, Pensionser te sum thawh zat hi thla tin cheng nuai 92 vela chhut a ni bawk a ni.*

*MUCHS hnuaiah hian damlo inenkawlina Bill an dawn apiang chu seniority-a check nghal a ni a, Bill approved apiang chu Kartin a hlawma pek chhuak zel a ni a. Pvt Hospital bill hi pek chhuah hmasak niin a hnuaah Public hospital bill siam leh nghal zel a ni.*

*Bill pek hun hi bill sibmit atanga ni 30 chhung tih ni mah se, Kartin pek chhuah zel a la ni, tih Health Care Society hotute chuan an sawi a ni.*

Hetihlai hian, Non-Government Hospital Association of Mizoram (NGHAM) hruaituten Health Minister Pi Lalrinpui'n private damdawi in ten MUHCS an zawm

loh chhan chu sum chawi tur pe lova eninkawl- cashless an duh loh vang nia a sawi chu thu dik lo a ni tih an sawi.

Nilainia Legislative Assembly Session-a zawhna leh chhanna hunah Health Minister Pi Lalrinpuii chuan private damdawi in ten MUHCS an zawm loh chhan chu cashless an duh loh vang a nih thu a sawi a. Hetihlai hian NGHAM secretary Hmingtea Chhangte chuan NGHAM chuan MUHCS hnuaia cashless system an dodal ngai lo tih sawiin, sorkar hmasa hunlai khan cheng vbc 4 chuang an lo hloh tawh avangin private damdawi te chuan financial security rintlak tak an duh thung a ti a, NGHAM in MUHCS chungchanga an duhdan state sorkar hnena an thlen hnuhnun ber tum, June ni 30 khan private damdawiin ten cashless system an hmang dawn a nih chuan damlo te chuan MUHCS package rate-in a huam theih bak te chu an pek a ngai dawn tih an sawi a, sorkarin he rawtna hi a remti lo a nih chuan NGHAM member damdawi in te rate an hman lai theuh chu hman phalsak turin an ngen a, hetihlai hian state sorkar chuan tun thlengin NGHAM rawtnate chu an la chhang lo a ni a ti.

Hei bakah hian NGHAM member hospital te tana financial security dah chu hospital pakhat chauh pawhin hman tur a nei tawh lo a nih chuan automatic-in NGHAM member hospital te chu Reimbursement System-ah an lut lailawk ang a, ni 30 chhunga financial security dah khah leh a nih chuan cashless in an kal chhunzawm anga, hetihlai hian huntiam chhunga financial security chu dah khah leh a nih loh chuan NGHAM member hospital te chu Reimbursement System-ah an awm hlen tawh turin sorkar hnenah rawtna an thlen bawk a ni.

## **KOLASIB NH MEETING**

Vairengte leh a chhehvela Kawngpui thlur li a NHIDCL in a laih mekna hmuna thing kung senghawi leh leivung paih dan chungchang Kolasib DC Pu Robert C. Lalmangaiha hoin nimin khan Kolasib ah an sawiho.

He thutkhawm ah hian Pu Robert C Lalmangaiha chuan 4-Lane Kawngpui siam hnathawh mekah Forest Department-te thing kihin Electric Line a tihchhiat thu leh hemi avang hian Vairengte Sub-Division huamchhungah ni 3 chhung Power Supply a awm loh phah chu paw i a tih thu a sawi a. Hetiang thil hi a thleng nawn tawh lohna turin fimkhur taka hnathawh a tul thu a sawi. Kolasib DC chuan hmasawinna hna kan thawhna hian mipui nungphung a ti khaihlak tur a ni lova, hei hi Department kaihnawihnte leh NHIDCL leh an hnuaia Contractor-te pawhin an hrechiang tur a ni a ti.

He hunah hian Assistant Conservator of Forests (ACF), Kolasib Pu Jonathan Lalhruiitluanga chuan 4-Lane Kawngpui siam hnathawh kal meka Forest Department hmalakna sawiin Kumin June thla tir atangin thingkung senghawi hna an tan a, Package 3 ah zaa 73 thingkung senghawi hna thawh zawh tawh niin, Package 4 ah zaa 77 zawh a ni a, Package 5 leh 6 ah chuan thingkung sengkham hna an zo deuh thaw tawh thu a tarlang bawk.

4-Lane Kawngpui sial meka leivung paih chungchangah hian Kolasib DC Pu Robert C. Lalhmangaiha chuan tuihna tichhe lo zawnga hmalak a pawimawh thu NHIDCL leh an hnuaia Contractor-te chu a hrilh a. Kawngpui laihna leivung paih avanga Environment-in a tawrh loh dan tur ngaihtuah reng a tul thu leh Kawngpui laih turin a paltlang khawtlang hruaitute nen en hova leivung paih dan tur ruahmanna tha zawk siam thin nise a ti a.

Mimal ram a leivung paih chungchangah NHIDCL leh an hnuaia Contractor te chuan ram neitute nen inberawn a, a tul anga hma la tur a rel a ni bawk.

Tun dinhmunah 4-Lane kawngpui siam Project-a Package 3 huamchhung a Vairengte khua leh a chheh velah kawngpui laih hna hi thawh tan a ni tawh a ni.

<><><>

## **DAMPA BY-ELECTION**

ZPM Party in Dampa bial bye election neih turah an candidate tur an puan tawh hnuah party dang ten he inthlan atana an inpuah chah tan thu an sawi a, party dang te hian candidate tur an la tifel lo a ni.

MNF Party chuan an President Pu Zoramthanga kaihhruaina hnuaiah Nomination Committee an din a, candidate tur ngaihtuah turin karleh tawhtanni khian an thukhawm dawn ni a thudawn a ni.

Congress party chuan Dampa biala ding tur ngaituah tu tur nomination committee an la dinlo tih an sawi a, Mizoram BJP hotute hnen atanga thu dawn danin Dampa bial bye election neih tura an party candidate tur nomination committee chu an thukhawm tawh a, an party candidate an tihfel hunah Prime Minister puantir an tum an ti a, party dang nena thawhho tumna erawh an ngaihtuahna ah ala awm rihlo tih an sawi bawk.

Hetih lai hian People's Conference Party chuan Dampa bial bye Election ah candidate neih leh neih loh chungchang an la ngaihtuah loh thu an sawi a ni.

BJP Mizoram chuan nimin khan West Phaileng-ah mi thar lawmluhna runpui an nei a, BJP Mizoram State President Dr. K. Beichhua chuan thusawiin Mizoram politics-a hmalam hun êng ber neitu chu BJP a ni a, Congress leh MNF-te hun a liam hrih a, ZPM enchhin mekah mipui an beidawng mek a, chuvangin BJP hmalam hun a êng ber a ni, a ti.

Chhimlam bialin, BJP MLA pahnih an thlan tlin avangin hmasawnna project thahnem tak Central sorkar a pe mek tih Dr. Beichhua chuan sawiin, Siaha district leh Delhi an thlunzawm mek a, politics ah chhimlam bialin BJP an thlan tlin avanga Central sorkar kaltlanga malsawmna an dawn mek chu a temtu ni ve tur leh, Dampa bial leh Delhi thlunzawm ve turin bial mipuite chu a sawm a ni.

Congress Bhavan-a nimina Congress Political session ah, MLA Pu C. Ngunlianchungah chuan thusawiin State University Aizawla din tum mek ngaihtuah chian a tul a ti a, Aizawl ah hian zirna in pawimawh zawng zawng heng MZU, NIT, ZMC, RIPANS, MCON, Law College, IASE, Vetty College, ICFAI leh College lian tak tak te a awm vek tawh a, chutih lai meka Aizawl bawka din tum a ni chu an ti lutuk a, Mizoram hmasawnna turin hmun dang tih hmasawn a ngai a ti..

RUSA Guidelines vanging Aizawlah bak a dah theih loh niin sawi a ni a, hei hi hriatsual a ni tih sawiin Congress an sawrkar anih chuan Lunglei ah Engineering College an din sak angin State University pawh hi an din leh mai ang a ti.

<><><>

**AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

**PM IN JAPAN**

Prime Minister Narendra Modia chuan India leh Japan ten kum 10 lo awm tur chhunga hmasawanna tur ruahmanna roadmap an siam a ti. Heng ruahmannate hi investment, ngaihtuahna thar hman, eibar zawanna nghet, technology, mipui inpawhtawanna leh an chhehvela thawhhona tha zawk neih te a tel a ti a. Pu Modia chuan small and medium enterprise te thlurbik an ni ang tih sawiin Japan Company te chu Make in India leh Make for the World ah tel ve turin a sawm bawk a ni.

Puan tawh angina nimin khan Tokyo-a India-Japan Annual Summit wawi 15-naah PM Modia leh Japan PM Shigeru Ishiba te an tel a.

He summit ah hian hruaitu pahnihte hian India leh Japan inkara thawhdunna hrang hrangte zau takin an sawidun a. Special Strategic and Global Partnership hmasawanna tur an sawiho a. Thuchhuah intawm an siamah PM Modia chuan an sawihona chuan rah tha tak leh tum fel tak a neih thu a sawi a. Khawvel himna leh muanna atan India leh Japan inlaichinna tha chu a pawimawh a ni a ti bawk.

<><><>

**SUPREME COURT**

Japanese Prime Minister Shigeru chuan India chuan khawvel siamthatna a thlen mek a ti. Japan leh India ten an inlaichinna an tihngheh zel avanging khawvela harsatna thleng mek hmachhawn kawngah leh mipuite sum leh pai tihpun zel kawngah ram pahnihten tum inang neiin hma an la zel a ni a ti bawk..

<><><>

**PM MANN KI BAAT**

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 125-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.